



DINAMIZAZIO POLITIKORAKO IKASTAROA

Gatzozpindu 2019-2020

Zer aurkituko duzu dokumentu honetan?

- 1) Zein beharrei erantzun nahi die ikastaroak?
- 2) Zergatik/zer lortu nahi dugu?
- 3) Ikastaroaren helburuak
- 4) Norentzat egin nahi dugu?
- 5) Dinamizazio nola ulertzen dugu?
- 6) Gaitegia
- 7) Formatua
- 8) Matrikula

1) Nondik dator ikastaro hau sortzeko beharra?

Herri Mugimenduko erakundeen **eguneroko funtzionamenduan** hainbat jardura egiten ditugu **talde-lanean**: bilerak eta asanbladak, debate eta analisiak, erabakitze-prozesuak, kanpainak, topaketak eta jardunaldiak, lan-banaketak, talde ezberdinen arteko elkarlanak, planifikazio eta ber-antolatze prozesuak, ez-adostasunak, etab.

Taldeko lan-dinamika eta prozesu horiek egiteko modua hobetzeko beharra sentitzen dugu maiz, hau da, talde-lan hori eraginkorra eta guztion artean partekatua izateko beharra; bai gure proiektu eta helburu politikoetan aurrera egiteko, eta baita militantziaren jardura emankorra, osasuntsua eta askatzailea bihurtzeko ere.

Beharrian eta erronka horiei erantzun nahi dio dinamizazio politikoaren inguruko formazio honek. Taldearen jardura politikoak dinamizatze ezagutzen ditugun tresnak elkartrukatuz, eta ezagutzen ez ditugunak elkarrekin ikasiz eta gure taldeetan praktikatzuz eramango dugu aurrera.

DINAMIZAZIO POLITIKORAKO IKASTAROA
GATZOZPINDU 2019/2020 IKASTURTEA

GAIAK
Herri mugimenduetako bilera eta asanbladen prestaketa eta dinamizazioa, aniztasuna eta parte-hartzea, erabakitze prozesuak, barne kohesioa eta komunikazioa, gatazken bideratzea, eraso matxisten prebentzioa...

FORMATUA
Saloen datak
Urtarrilak 24, 25, 26
Otsailak 28, 29, martxoak 1
Martxoak 27, 28, 29
Ekainak 6
+ Bakoitzak bere eragilean lanketa

NORENTZAT
Herrigintzan ari diren eragile eta kideentzat (plaza kopuru mugatua)

IZEN EMATEA
Abenduak 20 baino lehen joxemizumalabe.eus atarian
@harremanak@joxemizumalabe.eus
Taldea apuntatzeko aukera
Prezioa: 200€ (bazkaria eta lotarako lekua barne)





DINAMIZAZIO POLITIKORAKO IKASTAROA

Gatzozpindu 2019-2020

2) Zergatik/zer lortu nahi dugu?

Ekimenaren borondate edo intentzio politikoa

Euskal Herriko herri mugimenduko **erakundeen funtzionamendua hobetzea**, horixe da ekimen honen asmoa eta gogoia. Gure erakunde eta taldeen lan-dinamika politizatzea eta behar duen garrantzia, arreta eta zaintza ematea. Horrela, pertsonen zein taldeen **jarduera militantea indartuz eta eraginkortuz**, herri mugimenduetako proiektu politikoak **intzidentzia politikoa handitzea** eta, aldi berean, jarduera militantea betegarria eta askatzailea izatea.

Horrekin batera, aurrerapausoak eman nahiko genituzke herri mugimenduek **modu autonomoan erantzun** dezaten euren erakundeen eguneroko jardueran, edota eragile ezberdinen arteko aliantza-prozesuetan, sortzen diren beharrak **bilera, asanblada eta prozesuen antolaketa eta dinamizazioan**.

3) Ikastaroaren helburuak

- Herri mugimenduko hainbat kide euren erakundeen barne funtzionamenduaren dinamizazioan **trebatzea eta horretan ahalduntzea**.
- Taldearen lan-dinamikak, **talde-harremanak eta egiteko moduak politizatzea**: “Zer” egiten dugun zaintzeaz gain, “nola” egiten dugun ere zaintzea. Garrantzia eman, arreta jarri eta tresnak eskuratzea.
- Prozesuen dinamizaziorako **baliabideak sortzea eta haiekin esperimendatzea**.
- Aurrera begirako helburu moduan ikastaro honekin **dinamizazioaren inguruko elkarlanerako bideak eta sarea sustatu nahi ditugu**.



DINAMIZAZIO POLITIKORAKO IKASTAROA

Gatzozpindu 2019-2020

4) Norentzako egin nahi dugu?

Formazio hau Herri Mugimendu eta herri ekimenentzat da. Lehentasuna beraz borroka-sektore ezberdinetan aktiboki lanean ari diren kolektiboek izango dute. Hala erabakiz gero, kolektibo bakoitzak pertsona bat, bi edo hiru bidaliko ditu ikastaroa osotasunean egiteko. Kolektiboak mixtoak diren kasuetan bikoteka apuntatzerako orduan bikote mixtoak izatea litzateke ideala, ez dugulako rol hauek (dinamizatzaileena) generoaren arabera banatzerik nahi.

Posiblea da ere, HM edo herri ekimenetako kideek ikastaroa egin nahi izatea, kasu horretan, kolektiboaren babesa eta inplikazioarekin egin beharko dute.

Formazio hau profesionalizatuagoak dauden bestelako elkarte, sindikatu, gobernuz kanpoko erakunde eta eragileentzat ere bada, beti ere eraldaketa sozial askatzaileak sustatzen dituzten eragileak direnean.

Ez da aholkularitza edota **Couching** lanetan aritzen diren edo aritu nahi diren pertsonentzat.

5) Dinamizazioa nola ulertzen dugu? Zertaz ari gara?

Dinamizazio politikoaz edo herri Mugimenduetako prozesuen dinamizazioaz hitz egiten dugunean, zertaz hitz egien ari gara? Gure ikuspegitik, kolektibo batek bere egunerokoan duen **antolakuntza eta funtzionamendu prozesuari laguntzea** da dinamizatzea. Dinamizazio-lana hartzen duten kideek taldeak egin nahi duen prozesua laguntzen dute. Laguntzea bere bi adieretan: batetik bidelagun izatea (bidea elkarrekin egitea) eta, bestetik, bide horretan sortzen diren zailtasunen aurrean taldeari orientabideak eta baliabideak proposatzea.

Fazilitazioa, edo talde-lana erraztea, bada zeregin horiekin harremanetan dagoen beste kontzeptu bat. Guk **“dinamizazio politikoa”** kontzeptuaren aldeko hautua egin dugu, hurbilago iruditzen baitzaigu herri mugimenduen eguneroko jarduerarekin eta hiztegiarekin.

Gure adieran dinamizatzea litzateke, beraz, **edozein prozesu edo lan-saiok** (bilera, asanblada, topaketa, elkarlana,...) **eskatzen duen prestaketa eta zaintza egitea** alderdi ezberdinetan: helburuen argitasuna; metodologia edo saioaren



DINAMIZAZIO POLITIKORAKO IKASTAROA

Gatsozpindu 2019-2020

ibilbidea (nola lan egingo dugun); bitartekoak; debateak (irekitzea, ixtea, sintesiak, jarraitzeko aukera ezberdinak proposatzea,...); kide ezberdinen parte hartzea (ahots guztiak entzutea); giroa eta emozionalitatea (energia, motibazioa, kohesioa, nekea, isiltasunak,...); denboraren kudeaketa; erabakitze prozesua, etab.

Dinamizazioak taldearen eginbeharra prestatu eta zaindu egiten du nahi baino gehiagotan gertatzen zaizkigun dinamika edo joerak ekiditeko asmotan: helburuetatik urruntzea edo nahastea, debatean dispertsatzea edota debatearen noraeza, kideen parte hartze desorekatua, ezadostasunetan blokeatzea, denborak txarto kudeatzea, gatazkak ukatzea edo ez lantzea, jarrera harroak eta hierarkizatzaileak, botere-desorekak, etab.

Dinamizatzaileak taldearen prozesua laguntzen du, baina ez du zertan beti oso aktiboa izan behar, **protagonista taldea da**. Dinamizazio-lanak talde barruko zein kanpoko pertsonak egin ditzakete, kasu batzuetan dinamizazioa kanpoko norbaitek egitea mesedegarria izan daiteke, baina beharrezkoa iruditzen zaigu taldearen nondik-norako nagusiak ezagutzea.

Dena den, **dinamizazio-lanak kolektiboko kide ezberdinen artean txandakatzea iruditzen zaigu egokiena**, eta horrela denok kontzienteagoak egitea gure kolektiboan dagoen dinamika, rola, dibertsitatea, norberaren posizioa eta rola, indarrean dauden nahigabeko inertziak, norberak lan-taldearekiko eta proiektuarekiko duen ardura, etab.

6) GAITEGIA

1. DINAMIZAZIOA

Lehenengo eta behin dinamizazio politikoa zer den eta zertarako den landuko dugu. Bigarrenik, dinamizatzailearen funtzioak ezagutuko ditugu eta berengan dinamizazioak sortzen dituen ondorioen kudeaketaz hitz egingo dugu, besteak beste.

2. ASANBLADA/BILEREN PRESTAKETA ETA DINAMIZAZIOA

Saio/taile/bilera guztiak faseak eta zeregin desberdinak dituzte eta horiek nola jorratu landuko dugu. Horretaz gain, taldearen emankortasuna, antolaketa eta parte hartzea hobetzeko neurriak, eta parte hartzean eragina dituzten



DINAMIZAZIO POLITIKORAKO IKASTAROA

Gatzozpindu 2019-2020

baldintzei ere erreparatuko diegu.

3. ANIZTASUNA ETA PARTE HARTZEA

Kidea-Taldea-Proiektuaren hirukia buruan izango dugu botere harremak eta desoreken kudeaketa aztertzeko eta baliabideak emateko. Horrez gain, aniztasunari eusteko hainbat gako landuko ditugu, baita aliantzak egiterakoan kontuan hartu beharrekoak ere.

4. BARNE KOHESIOA ETA KOMUNIKAZIOA

Horretarako tresna desberdinak jorratuko ditugu, eta talde kohesiorako estrategia bezala borrokaren mistika eta espazioaren zaintza landuko ditugu.

5.1 GATAZKEN BIDERATZEA

Gatazkak presente daude gure taldeetan baina zein gatazkak daude? Eta zein jarrera daude gatazkarekiko? Haiek aztertzeko eta bideratzeko tresnak jorratuko ditugu.

5.2 ERASO MATXISTEN LANKETA

Gaiaren kokapena egiteko hainbat testu eskuragarri ipiniko ditugu eta horrez gain, eraso sexista/matxistak kudeatzeko protokolo bat egiteko pausuak-ariketak ere proposatuko ditugu.

6. PROZESUEN PRESTAKETA ETA DINAMIZAZIOA

Parte hartze prozesuak aurrera eraman nahi ditugunean kontutan izateko hainbat gako ikusiko ditugu eta horrez gain, prozesuaren hainbat momentutan erabilgarriak izan daitezkeen tresnak ere.

7. ERABAKITZE PROZESUAK

Gure taldeetan maila ezberdineko erabakiak hartzen ditugu etengabe, erabakitze prozesu horiek talde kohesioa kontuan harturik eta botere harremanei erreparatuz zaindu behar ditugu, eta horretarako mekanismoak eta tresnak aztertuko ditugu.



DINAMIZAZIO POLITIKORAKO IKASTAROA

Gatzozpindu 2019-2020

8. TALDEAREN EGITURA ETA INDAGAZIOA

Taldea zer den, zein egiturak dituen eta bertan zein rol dauden landuko dugu.

7) FORMATUA eta ANTOLAKETA

Oraingo honetan **2020ko urtarriletik ekainera bitartean gauzatuko den ikastaroa proposatzen dugu. Ikastaroak hiru momentu presentzial nagusi izango ditu eta itxiera saiorako egun bat, eta bitartean, partaideek euren kolektiboetan egin beharreko lana.**

NOIZ	MOMENTU PRESENTZIALAK	BITARTEAN BAKOITZAK BERE KOLEKTIBOAN
Urritik abendua 20ra		Matrikulazioa taldearen babesarekin <ul style="list-style-type: none">• Matrikulazioa egin eta lehenengo asteburu bitartean kolektiboak ikastaroan ikasitako dinamika eta praktika batzuk era batera edo bestera taldean martxan jarriko dituela adostuko du.• Kolektibo bakoitzak, bere behar eta errealitatearen arabera, erabakiko du zein lanketa egin nahi duen (aurrerago ere erabaki dezake)¹.

¹ Prozesuaz hitz egiten dugunean, esan nahi dugu kolektiboa prest egon behar dela ikastaroan ikasitako zerbait bere baitan praktikatzeko. Kolektibo bakoitzak erabakiko du zer praktikatu duen bere behar, nahi eta ezaugarrien arabera. Adibidez, talde batek barne kohesioa lantzeko saio bat egitea adostu dezake, edo beste batek bilera guztietan barne kohesiorako zerbait xumea egitea erabaki dezake, edo baten batek barne antolaketa hobetzeko apustua egin dezake... Prozesua guztiz irekia da eta eragile bakoitzak ezaugarrituko du. Hori bai, bileren dinamizazioa, elementu gehiagorekin edo gutxiagorekin, kolektibo guztiek egin beharreko lana da



DINAMIZAZIO POLITIKORAKO IKASTAROA

Gatzozpindu 2019-2020

Urtarrilak 24/25/26	Atarikoa <ul style="list-style-type: none">• Taldea ezagutu• Ikastaroaren metodologiak azaldu• Gaitegiaren lehenengo atala landu	
		Taldean aztertu zer eta nola landu nahi den. <ul style="list-style-type: none">• Kolektibo bakoitzak, bere behar eta errealitatearen arabera, erabakiko du zein lanketa egin nahi duen. Horretarako, kolektiboak galdetegi bat beteko du, bertan azaldutakoak eztabaidatu eta zer gai, batez ere, landu eta praktikatu nahi duten erabakiko du.• Horrez gain eta lehenengo asteburuan ikasitakoak aintzat hartuta, bileren dinamizazioa hasiko du.
Otsailak 28/29 eta Martxoak 1	Gaitegiaren mamia <ul style="list-style-type: none">• Gaitegia garatuko dugu• Kolektiboetan egindako lanaren aurkezpena egingo da.• Teknika eta dinamika diferenteak esperimentatuko ditugu.	
		Taldean praktikatu <ul style="list-style-type: none">• Partaideen kolektiboetan erabakitakoaren lanketa abiatuko da.• Prozesuaren balorazioa egingo da.
Martxoak 27/28/29	Gaitegiaren mamia <ul style="list-style-type: none">• Gaitegia garatuko dugu	



DINAMIZAZIO POLITIKORAKO IKASTAROA

Gatzozpindu 2019-2020

	<ul style="list-style-type: none">• Kolektiboetan egindako lanaren aurkezpena egingo da.• Teknika eta dinamika diferenteak esperimendatuko ditugu.	
		Taldean praktikatu <ul style="list-style-type: none">• Partaideen kolektiboetan erabakitakoaren lanketa egingo da.• Prozesuaren balorazioa egingo da.
Ekainak 6	Itzulera eta itxiera <ul style="list-style-type: none">• Kolektiboetan egindako lanaren itzulera.• Kurtsoko balorazioa.	

***Asteburuetako saioak:** Ikastaroa ostiral arratsaldean hasiko da, domeka eguerdi arte. Herri mugimenduen ekimenez sortutako espazioetan izango dira, bide batez, asteburuetan esperientzia/proiektu ezberdinak ezagutzeko aukera izaten dugu (bertatik bertara).

Derrigorrezkoa da partaideek euren kolektiboen babesa izatea. Kolektiboetan aplikatu beharko dute ikastaroan zehar ikasten dutena, eta horregatik ikusten dugu beharrezko hasieratik kolektiboen babesa izatea. Horrez gain, **saio presentzialetara etortzea ezinbestekoa da.**

JMZk bideratuko du gogoeta eta metodologia, horretarako sortuko den BPPren (Bilgune Politiko Pedagogikoa) bidez. JMZko kide hauen ardura da partaideen jarraipena egitea eta kolektiboetako prozesuetan erreferente edo laguntzaile izatea. Horrez gain, **JMZko kide batek koordinatuko ditu:** diruzaintza, sukaldari taldea, erosketa eta menuak, lekuak behar duena...



DINAMIZAZIO POLITIKORAKO IKASTAROA

Gatzozpindu 2019-2020

8) MATRIKULA

Ikastaroak 200 euro balio ditu. Prezio horrek, hiru egonaldietako otordu eta alojamendu gastu guztiak barnebiltzen ditu. Taldeka izena emanaz gero, kide bakoitzak 180 € ordainduko luke.

9) IZENA-EMATEKO EDO KONTAKTATZEKO

Izen-ematea: <https://jzm.typeform.com/to/lq8Kll>

Edozein zalantza izanez gero edo jada izena eman nahi baduzu, email honetara harremanak@joxemizumalabe.eus idatzi edo telefono honetara deitu 685750164 (Ainhoa)/ 658747716 (Maialen)